



KREANDO PROSPERIDAT DOR DI KONEKTÁ OPORTUNIDATNAN DI INVERSHON KU INVERSHONISTANAN

SKINA DI INVERSHONISTA

Publikashon 17. 2017

Laga nos kompartí e Fun ... mi ke men e Fund!

Parti 1

“Si invertimentu ta entretenido, si bo ta gosa, probablemente
bo no ta ganando plaka. Invertimentu bon ta laf’

George Soros

Bo ta eksitá tokante invertimentu, manera bo mester ta! I bo ta pensa ku bo tin apetit pa hap den algun akshonnan. E bufèt ta kubrí ku akshonnan manera di Google i Amazon..... Bo apetit ta na su punto kulminante, bo ta kla pa bula aden..... Wanta un ratu..... Wanta djis un sekònde! Bo a yega di bai un restorant i no chèk e preisnan riba e menú, spesialmente si bo sa ku abo ta esun ku ta paga! Laga nos dal un par di paso atras i scan e preisnan di algun di e akshonnan aki. A ménos, mi ta papia di esunnan bon! Algun di nan por ta hopi karu, Amazon por kosta bo US\$ 1,130 pa akshon! Si bo a mira esei korekto! Un tas di Louis Vuitton òf un oloshi di Bvlgari no tin nada riba algun di e akshonnan aki.

Desapuntá? Deskurashá? Bo ta pensa ku bo no por permití bo mes esaki i bo ke rindi awor mes? No hasié! Mi no ta trata mes, di spanta bo for di invertí. Soportá mi un ratu i lo mi mustrabo, kon bo por tin e mihó di e mundu aki! E kontesta ta..... Fondonan di invershon.

Mayoria biaha nan ta e opshon di invershon pa prinsipiantenan di invershon! Kiko nan ta? Kiko ta nan importansia? Laga nos deskubrí esaki.

Fondonan di invershon, manera un Mutual Fund', ta un manera pa invertí sèn huntu ku otro hende, dor di pone sènnan di tur e hende huntu pa wòrdu usá kolektivamente pa kumpra 'Securities', manera akshonnan, bononan, etc.

En esensia, si bo ta un invershonista ku por invertí solamente fls 500 pa luna, ta masha probabel ku bo lo no por permití bo mes un akshon di Google di US\$ 1,047 riba bo mes, por lo ménos no te ku despues di algun luna di pone sèn un banda, mas o ménos 4 luna pa sea eksakto i esei ta pa kumpra 1 solo akshon chikitu di Google! Si! Pero ke tal si 1000 hende mas por un pool nan entrada mensual pa invershon huntu. Manera bo por imaginá bo, riba un base mensual algun hende lo tin mas ku fls 500 pa invertí i algun lo tin ménos. Den lugá di bo fls 500, e pool di sènnan di e 1,000 invershonista awor tin mas o ménos fls 500,000. E sèn di pool aki yama un Fondo, i awor e por wòrdu usa pa kumpra no solamente 1 akshon di Google pero hopi unidat mas i podisé otro akshon tambe, manera akshonnan di Apple i Facebook.

E Fondo e ora ei ta doño di e akshonnan di Google, Apple i Facebook, i abo, e invershonista lo ta doño di un parti di e Fondo representá pa bo fls 500 ku bo a invertí. Ta masha semehante na propiedat den un kompania dor di akshon, pasobra e Fondo en realidat ta un tipo di kompania. Bo fls 500 lo representá bo akshonnan den e kompania aki ku ta hasi posibel pa bo ta doño di porsentahenan di akshon di Google, Apple i Facebook. E ta apsolutamente fantástiko i e ta habri e porta pa invershonista chikí djòin e fiesta, ni maske kon karu e itemnan riba e menú ta!

E tiponan di 'Securities' ku e Fondo ta kumpra ta definí ki tipo di Fondo e ta. Pues si e sènnan di pool ta wòrdu usá pa kumpra akshonnan, e ora ei e Fondo ta un 'Equity Fund', i si e sènnan ta wòrdu usá pa kumpra bono, e ora ei ta un 'Bond Fund' i si e sènnan ta wòrdu usá pa kumpra tur dos, e ora ei e ta un 'Balanced Fund'. Fondonan por bira asta mas spesífiko òf spesialisá, por ehemplo bo por tin un Fondo di Akshonnan di kompanianan di Teknologia (Tech Fund'), unda e sènnan ta wòrdu usá pa kumpra solamente akshonnan di

kompanianan di Teknologia. Manera bo por imaginá bo, e kreativitat di invershonistanan profeshonal a kondusí na un lista ekstensivo di Fondonan ku ta disponibel pa bo kumpra.

E gran notisia pa bo ta ku 'Fund Shares' ta un di e tiponan di 'Security' ku ta disponibel riba e bolsa lokal i pronto, invershonistanan lo tin mas opshon pa skohe for di dje!

Kompañá nos pa e siguiente publikashon unda nos lo kompartí algun tep pa hasi negoshi den Fondonan.

Sigui Skina di Invershonista pa tur kos ku bo mester sa tokante Kreashon di Rikesa!

E editorial aki ta wòrdu presentá na bo pa DCSX ku kolaborashon di Vertex Investments . Outor di e publikashon aki: Stephanie Shaw CFA, MBA.



dcsx.cw



vertexinv.com